

**Bosna i Hercegovina**

**Federacija BiH**

**Kanton Sarajevo**

**Skupština Kantona Sarajevo**

**25.radna sjednica**

## **ZASTUPNIČKO PITANJE**

n/p predsjedavajuće, prof. Ana Babić

Uzimajući u obzir da nas je u periodu stalnih prekida vodosnabdijevanja građana KS zadesila vijest o istovremenoj namjeri poskupljenja vode i novog zapošljavanja 14 radnika u ViK u okviru svemirskog programa, kako nam je predstavljena izgradnja prečistača Butila u saradnji sa Svjetskom bankom, nevjerovatno zvuči ali je istina da u periodu najveće medijske promocije vlasti vezano za primjenu mehanizma koordinacije mi imamo situaciju da se o ovako važnim stvarima po pitanju građana premijer i članovi vlade KS koordiniraju i demantiraju putem FB.

Ministar najavljuje poskupljenje kao jedan od ključnih mehanizama za finansiranje rješenja u cilju stabilnog snabdijevanja vodom, a premijer isto demantuje na FB, pa se s pravom postavlja pitanje da li mi imamo uopšte jedinstven stav u Vladi po pitanju problematike vodosnabdijevanja, a tek onda postaje dodatno upitnim da li ViK ima uopšte podršku u smislu realizacije planiranih aktivnosti od ovako zbunjene Vlade.

U saopštenju direktora ViK-a, koji je koncipiran kao odgovor na navode premijera, je više nego vidljiv potpuni debalans u okviru politike rješenja za popravljjanje vodosnabdijevanja u KS. Vrhunac licemjerstva i jedne i druge strane se ogleda u činjenici da su se složili da u ovako haotičnom stanju argumentacija za zapošljavanje 14 novih ljudi predstavlja nešto bez čega prečistač postaje upitan kao projekat. Ne mogu da vjerujem da u okviru postojećih uposlenika ViK-a nije bilo moguće izvršiti dodatnu edukaciju, što bi omogućilo da se umjesto novca na plate, isti ulaže u obnovu zastarjele infrastrukture.

Sve navedeno je u međuvremenu dodatno obogaćeno demantijima- prvo Svjetske banke koji su jasno rekli da nisu imali nikakve zahtjeve, pa nakon toga i premijera koji je demantovao samog sebe kako su ti radnici već odavno na poslu...

Na osnovu svega prethodno navedenog, a u cilju raščišćavanja političkih spinova i negativnih efekata mehanizma dekoordinacije koji su se pojavili u javnosti, pitam Vladu da li je planirano poskupljenje vode i ako jeste, kad i u kojem nivou. Te drugo, tražim da mi se dostavi spisak ljudi sa njihovom stručnom spremom koja se smatra nezamjenjivom u okviru podrške ovom projektu.

Imena i prezimena ljudi mi nisu važna, te ih slobodno možete pretvoriti u brojeve od 1-14, i pored tih istih brojeva navesti stručnu spremu u okviru ovog prečistača koji ste vi medijski predstavili kao svemirski program.

Sarajevo, 31.01.2017.

Segmedina Srna Bajramović

Zastupnica SDP BiH u SKS

